



Komunikado

19 di febrüari 2019

Cft: “Mester di determinashon pa realisá intenshonnan”

Kralendijk – Kolegio di supervishon finansiero di Bonaire, Sint Eustatius i Saba (Cft) a pidi tantu Kolegio Ehekutivo komo Konseho Insular pa demonstrá mas determinashon mas dinamismo den realisashon di e intenshonnan di maneho i e akshonnan di maneho finansiero. Cft ta konstatá ku den e último añanan a keda sin hasi uzo di demasiado rekurso finansiero, miéntras ku riba vários tereno di maneho, e mehorashonnan nesario no a tuma lugá. Ora trese òrdu den e maneho finansiero, esaki lo resultá den un un siklo di presupuesto i hustifikashon ku ta na tempu i konfiabel.

E sifranan preliminar ta mostra ku Bonaire a realisá un surplus di aproksimadamente USD 12 mion pa aña 2018. E entradanan ta aproksimadamente USD 3 mion mas haltu i e gastunan aproksimadamente USD 9 mion mas abou kompará ku e presupuesto di 2018. Riba kasi tur tereno di maneho no a hasi sufisientemente uzo di e rekursunan disponibel. Cft a konsehá Kolegio Ehekutivo pa perkurá awor pa e kuenta anual di 2018 ta kla na tempu, di moda ku ainda por hasi Konseho Insular un proposishon pa invertí e fondonan ku no a uza anteriormente. A tene kòmbersashon ku Kolegio Ehekutivo tokante e posibilidatnan pa logra ku den 2019 sí lo ehekutá kompletamente e intenshonnan di maneho ku a inkorporá den e presupuesto.

Na novèmber 2018 a firma un akuerdo gubernamental (bestuursakkoord) entre Estado Hulandes i Bonaire. Cft lo supervisá ehekushon di e palabrashonnan pa mehorashon di e maneho finansiero, i e Kolegio a risibí un aklarashon di Kolegio Ehekutivo tokante e situashon aktual. Cft a akordá ku e plan aktual di mehorashon di maneho finansiero lo keda finalisá na febrüari 2019. Esaki ta importante, pasobra a palabrá ku Bonaire ku e kuenta anual di 2021 lo risibí un deklarashon aprobatorio di akountent.

Tambe a papia tokante e kompanianan di gobièrnu. E empresanan aki ta ehekutá tarea di gobièrnu i konsekuentemente nan bon funshonamentu ta di gran importansia pa e siudananonan. Cft a pidi pa perkurá pa mehorashon di e gobernashon i pa kumpli ku e palabrashonnan formulá den e akuerdo gubernamental. Spesífikamente a mensioná e hecho ku tur funshon den e huntanan di komisario mester keda yená i tambe ku mester traha i entregá e kuantanan anual na tempu. Tambe den e kaso aki determinashon ta esensial riba término kòrtiku.

Durante e bishita di Kolegio djamars dia 19 di febrüari a papia ku Gezaghèber, Kolegio Ehekutivo i Konseho Insular.

[Fin di Komunikado di prensa]

Nota pa redakshon– no pa publikashon

Persona di kontakto na Cft:

Sekretariado Kolegio di supervishon finansiero
Manus Twisk- Sekretario
Telefon (+5999) 461-9081 / (+5999) 461-9082 / (+5999) 461-9084
Email info@cft.cw
Internet www.cft.cw

Persona di kontakto pa Prensa:

Jefka Martina
Telefon (+5999) 512-6861